

Heimatverein: Dusend Dank

Börkum/jan - De Heimatverein up't Eilandje Börkum bedankt sück van Harten bi alle flietege Helpers an unse Stratenfesche verleden Sönnitag. Man kann dej Namen neit all uptellen, dej Stön geven hebben un dej dat Wark noit tau völ was. Elk, dej achter de Tünnebank steiht, weit um dat Geknauje un dat all, wat de Beseuker bekieken kann, man neit even so'n Bigahn is. Dat bin Dagen un Stünden, dej völ Mannlü un Froulü nast hör dageliks Wark insett hebben, um an ein lange Sönnitag ander Lü ein Bliedskup tau maken.

Ein grote Dank geht uk an dej stille Helpers achter de Kulissen, waar man sück in de Ruum ein bitje verpusten kunn. Un an all dej Junges un Wichter, dej Saterdag bi dat Upbouen d'r bi wassen un Maandag mörgen bi't Upskieren. Ein heil besünder Dank an dej Lü, dej bi dat Programm dat Beste geven hebben. Neit vergeten uk dej Menschen, dej alltied stillkes, sünder grote Woorden, an disse Dag büllten Kauke, Waweltjes, Koffje un ander lecker Gaud brengen. Dank uk an dej yöle Beseukers, dej dat natte Weer neit verdreitlek makt hett un völ Aregkeit un Pläseier harrn. Dör hör open Knippkes kann de Heimatverein dit Jahr de Müre un de Karkhoff bi de Olde Toorn weer up Stee maken, umdat wi Börkum moij un skier präseintiern können.